

تساؤلات طفل



الكتابة ايه محمد محسن

اهداء

إلى من الهمني فكره ذلك
الكتاب ابن خالتي المهندس
محمد آدم واختي وصديقة
عمري بريهام جمال

الممة دمة

إن الطفل في بداية حياته يكون
مكتشف صغير يريد أن يكتشف
كل شيء من حوله ويتساءل عن
كل الأشياء التي يراها ويظل
يفكر ويفكر في معرفه الاجابة
علي كل الأسئلة التي تدور في
عقله حتي يصل الي الاجابة التي
كانت تشغل كل تفكيره ومن
الواجب علي الوالدين معرفه هذه
الأسئلة والإجابة عليها سوف
تساعدهم أن يفهموا الاسئلة التي
تدور في عقول واذهان أولادهم.

أنا عمار عايش مع ماما وبابا عندي ٦ سنين في
سنه اولي ابتدائي بحب الاستكشاف واني اعرف
حاجات كثير في أسئلة كثير بحب أسأل بابا
عليها أسئلة كثير مختلفة دينية وثقافية
واجتماعية وسياسية واقتصادية ورياضية بحب
أسأل في حاجات كثير أووي ومش بيزهق مني
دلوقت لازم اروح أصبح علي بابا

صباح الخير: يا بابا

صباح الخير: يا عمار

كنت حابب اسال: حضرتك شوية اسئلة

اسال يا: عمار يا حبيبي انا بسمعك...

لي ربنا خلقنا؟؟

ربنا خلقنا عشان نعبده ونعمر الأرض ونكون
بنطيع ربنا.

احنا لية بنصوم؟؟

احنا بنصوم لان الصوم ده حاجه مهمه جدا
علينا لان هو من الأركان الخمسة في الاسلام
اللي هي شهادة أن لا إله إلا الله ومحمد رسول
اقامه الصلاة واءاء الزكاة صوم رمضان وحج
البيت الي من استطاع إليه سبيلا.

لي حرام نشرب خمره؟؟

لان الخمره من المحرمات اللي ربنا حرمها
لأنها بتخلي الإنسان يفقد عقله وممكن يعمل
حاجات مش محترمة لمة يشربها.

لي ربنا أختار محمد يبقي رسولنا؟؟

لأنه كان شخص صادق وأمين وكان علي خلق
حسن وقدوه صالحه لكل الناس.

لية لازم نصلي؟؟

لان الصلاة هي اللي بتقربنا من ربنا وأنها من
ضمن الأركان الخمسة وأن ربنا بيحب عبده
يتقرب ليه بالصلاة والعبادة.

لية لازم نزور قريبتنا؟؟

لان ده شيء مهم

لازم تكون شخص يصل رحمه انك تزور
قريبك واجب عليك.

مين هو أول واحد ربنا خلقه؟؟

أول واحد ربنا خلقه كان سيدنا آدم عليه السلام.

لية لازم نطلع زكاة ونساعد المحتاجين؟؟
لان ده شيء مهم ان احنا نساعد كل الأشخاص
المحتاجين وأن الزكاة ركن من أركان الإسلام.

لازم نختار الاصدقاء المحترمين؟؟
لأن الاصدقاء المحترمين يبساعدونا أننا تقرب
من ربنا ونبعد كل حاجه وحشة.

لية لازم نتعامل برفق مع الحيوانات؟؟
لأن الحيوانات دي روح وبتحس زينا وان في
ست حبست قطه وعذبتها وربنا بعد كده عقابها
عشان تعاملت وحش مع القطه.

هو البحر والجبل جم منين؟

ربنا هو اللي خلق البحار والجبال والسماء
والأرض هو اللي خلق كل ده لأن كل حاجه
فيهم ليها دور مهم في حياتنا.

لية بنحافظ علي نظافة جسمنا؟؟

لان النظافة حاجه مهمه جدا في حياة الإنسان
وأن النظافة من الإيمان الإنسان المؤمن لازم
يكون شخص نظيف وبيهتم بنظافة الشخصية.

لية لازم ما نسرف في الماء؟؟

لان ربنا قال لا تسرف حتي أن كنت علي نهر
جاري يعني انت ما تستهلكش الماء غير في
احتاجك ليه حتي لو كنت علي نهر ماء ممكن
يخلص في يوم من الايام.

لي احنا عايشين في الأرض مش في السماء
زي ربنا؟؟

لأن ربنا نزل سيدنا آدم وحواء الأرض بسبب
أن ربنا حذر آدم انه يأكل من شجره الشيطان
وسوس ليه انه يأكل منها رغم أن ربنا حذره
ربنا عاقبهم ونزلهم الأرض.

الأنبياء كانوا يشتغلوا ايه؟؟

سيدنا آدم كان فلاح ويحرث الأرض

وسيدنا ادريس كان خياط

وسيدنا نوح كان نجار

وسيدنا إبراهيم كان بناء

وسيدنا الياس كان نساج

وسيدنا داود كان حداد

وسيدنا موسي كان راعي غنم

وسيدنا عسي كان طبيب

وسيدنا محمد كان راعي غنم

مين اول واحد هيدخل الجنة؟
رسول الله صلى الله عليه وسلم اول من يدخل
الجنة.

ليه هاجر الرسول من مكة المكرمة الي المدينة
المنورة؟؟

رفض أهل مكة الإسلام
الحقوا الأذى بالرسول ومحاولة قتله و
ملاقاه المسلمين من العذاب والتنكيل.

يا لله يا عمار عشان وقت النوم لازم تنام
وترتاح وبكره نكمل كلامنا.

تصبح على خير يا بابا 

وانت من اهل الخير يا عمار

صباح الخير يا ماما فين بابا؟

صباح الخير يا حبيب ماما بابا نزل يجيب
القطار وجاي ماشي يا ماما انا هروح اتوضاء
واصلي لحد ما بابا يجي

ماشي يا حبيبي

صباح الخير يا بابا

صباح الخير يا عمار

أنا صليت يا بابا وفضلت مستتي حضرتك لحد
ما ترجع من بره عشان نكمل كلامنا

وأنا جيت وحابب اسمعك يا عمار

أنا أمبارح سألت حضرتك في حاجات كتير

تخص الدين ف كان عندي أسئلة النهارده

تخص حياتنا الاجتماعية

ماشي يا استاذ عمار اتفضل أسأل وأنا بسمعك

هو لية الراجل والست بيتجوزا؟؟

لان ربنا خلق الراجل والست عشان يتجوزا في
حلال ربنا ويجيبوا اطفال عشان يعمروا
الارض ويعملوا علي طاعه ربنا.

طيب هو احنا ليه بناكل؟؟

احنا بناكل عشان نقدر نعيش ونشتغل وجسمنا
لازم يأكل ويتغذ عشان يدينا الطاقة اللي تخلينا
نقدر نتحرك ونعمل كل حاجة.

طيب ليه حضرتك بتشتغل؟؟

أنا بتشتغل عشان اصرف عليك وعلني ماما
واقدر اجبلك كل حاجة انت عايزها وأن ربنا
قال العمل عباده وأن الإنسان لازم يشتغل.

هو أنا ليه بروح المدرسة؟؟

أنت بتروح المدرسة عشان تتعلم وتبقا شاطر
وبعلمك ده تقدر تفيد المجتمع وأن ربنا قال
طلب العلم فريضة علي كل مسلم ومسلمة.

هو أنا ليه لازم اسمع كلام ماما وحضرتك؟؟
لان الله أمرنا بطاعة الوالدين وقال أن الجنة
تحت أقدام الأمهات وقال طاعه الأب من طاعه
الرب.

طيب هو ليه ليه اغلط في حد لازم اعتذر؟؟
طبعا لازم انك تعتذر لأنك غلطت في حد أكبر
منك.

احنا ليه بنشرب؟؟

بنشرب عشان نعيش وأن المايه هي سر الحياة
وأن الإنسان ما يقدرش يعيش من غير ما
يشرب.

ليه لازم نحافظ على نظافة المكان؟؟

لان النظافة من الأمان وأن ربنا أمرنا أننا
نحافظ علي المكان اللي احنا فيه يكون نظيف.

هي ازاي اللمبة منورة؟؟

اللمبة وكل الأجهزة الكهربائية بتشتغل بحاجه
اسمها كهرباء والكهرباء بتيجي من مكان اسمه
توليد الكهرباء.

هو أنا ليه مش عندي نونو زي ماما؟؟
لان انت ولد وربنا خلق ماما عشان يبقي عندها
نونه لكن انت ما ينفعش يبقي عندك نونو.
طيب يا بابا احنا لازم نقوم عشان ناكل دلوقت
ونبقا نكمل كلامنا بعدين.
اتفضل يا باشا.

دلوقت خلصنا أكل اتفضل كمل يا استاذ عمار



حاضر يا بابا بس دلوقت هشوف حضرتك
هتعرف تجاوب عليا في الاسئلة الرياضية والا
لا

اسئل يا عم اللمض

حاضر هسأل

هو احنا لي بندفع اشتراك النادي؟؟

بندفع اشتراك النادي عشان الفلوس بيتعمل بيها حاجات مهمه مثلا زي تحديد النادي وحاجات كتير تخص النادي.

هو احنا لي بنشجع فريق معين؟؟

احنا بنشجع الفريق اللي بنكون عندنا ميول ليه يعني الفريق اللي بنحبه.

ليه كل فريق لازم يلبس تي شرت معين؟؟

لان كل فريق لازم يبقي ليه تي شرت مختلف يقدر يميز الفريق عن أي فريق تاني.

احنا ليه بنروح النادي؟؟

بنروح النادي عشان نتمرن ونعمل تمارين عشان تساعدنا نحافظ علي جسمنا والعقل السليم في الجسم السليم.

طيب هو أنا ليه لازم اشرب اللبن؟؟
لازم تشرب اللبن لأنك هتبقا صحتك كويسة
وهتقدر تركز في الدراسة وفي كل حاجة
وتحافظ على جسمك.

طيب أنا دلوقت هسأل حضرتك في حاجات كده
تخص التعليم كل شوية بفكر فيها!!

ياااه كل شوية بتفكر فيها طيب قول يا استاذ
عمار بسمعك.

انا لية بروح المدرسة؟؟
أنت بتروح المدرسة عشان تتعلم وتبقا شاطر
وبعلمك ده تقدر تفيد المجتمع وتبقا شخص ناجح
في حياته.

هو أنا ليه لازم انام بدري؟؟

لازم تنام بدري عشان جسمك يرتاح وتقدر
تصحي كويس ونشيط وجسمك يبقى في صحه
كويسه.

هو أنا ليه لازم اقعد مؤدب في الحصة؟؟

عشان انت تبقا ولد محترم لازم تسمع الكلام
ومتعلمش أي مشاغبة.

طيب انا لية بروح الدرس؟؟

بتروح الدرس عشان الحاجات اللي مش بتبقا
فهمها المستر يقدر يساعدك فيها.

ليه لازم البس لبس معين للمدرسة؟؟

لان كل مدرسة ليها لبس معين لازم تلبسه.

هو أنا ليه ما ينفعش أتأخر علي الباص بتاع
المدرسة؟؟

عشان الباص بتاع المدرسة لية معاد معين
وطابور المدرسة بميعاد.

أنا لية لازم يكون معايا ادوات المدرسة
بتاعتي؟؟

عشان ما تطلبش حاجة من حد وكل ادواتك تبقا
معاك.

دلوقت يا بابا في حاجات كتير بتحصل في البلد
بسمع عنها أنها اسمها سياسية ف كنت عايز
اسئل حضرتك في الحاجات دي!!!

السياسية مره واحده يا عمار ماشي يا سيدي
اتفضل أنا بسمعك.

هي أي الانتخابات؟؟

الانتخابات دي كل فتره لازم تتعمل عشان
نختار واحد هو اللي بيقا رئيس لي البلد بتاعتنا
ويشوف كل احتياجات الشعب.

لي بندفع فلوس علي الميه والأكل؟؟

لان الدول بتبقا بتجمع ضرايب والضرايب
بتجمع عشان تعمل الدولة مشروعات للشعب.

لي لازم بيقا معايا بطاقة؟؟

لان البطاقة دي اثبات شخصيته الشخص ونقدر
نعرفه من بيانات البطاقة.

لي بيبقا في سجن وفي ظابط؟؟

عشان المجرم لازم يتعاقب علي اي جريمة
يعملها لان ده ضد القانون.

لي لازم بيقا معايا بابا وماما لمة اجي اسافر؟؟
عشان انت لسه صغير ولازم حد كبير يكون
معاك عشان يتحمل مسؤوليتك.

هو لية بيقا في حرب بين الدول؟؟
عشان بيقا في صراع وتنافس بينهم في
الاقتصاد وكل الأمور السياسية.

طيب دلوقت يا بابا في أسئلة كده كبيرة شوية
كنت عايز اعرف إجابتها من حضرتك
اكيد يا حبيبي اسئل
أسئلة في الثقافة وكده
ماشى يا حبيبي بسمعك
هو أنا جيت الدنيا ازاي؟؟

أنا ومامتك اتجوزنا وحصلت بنا علاقة زوجية
دي بتحصل بين الزوج ومراته وبيجبوا اطفال
صغيرين شبهك كدة.

أنا لي لما بكبر بيتغير جسمي وشكلي؟؟
لان أنت لمة بتكبر جسمك بيتغير لأنك بتمر
بمرحلة تكوني جسدي والمرحلة دي اسمها
البلوغ انك بتكبر وتفاصيل جسمك في الوقت ده
لازم بيتغير ويحصل تغير في صوتك وشكلك
فهمت.
اه يا بابا

لية بنستخدم الإنترنت؟؟
مهم النت أنك تستخدمه صح أنك تتعلم منه كل
شئ يفيدك وتبعد عن كل شيء وحش با فهمت

هو أنا ليه لازم اجيب اطفال لمة اتجوز؟؟
عشان الأطفال دول رزق من ربنا وانك تخلف
وتكون أسرة ده شيء مهم وتعلم اولادك امور
دينهم ودينيتهم .

هو ليه المفروض اقرأ كتير؟؟
تقرا عشان تكون شخص مثقف ف تعرف كم
كبير جدا من المعلومات لان كل ما عرفت
معلومات كل ما كنت شخص لية قيمة في
المجتمع.

شكرا يا بابا أن حضرتك قلت ليہ كم
المعلومات دي واوعد حضرتك أني
استفاد من كل كلمة سمعتها من
حضرتك ربنا يدي حضرتك أنت
وماما الصحة وطولة العمر.

مفیش شكرا يا عمار يا حبيبي ده
واجبي اني أعرفك الصبح من الغلط
ولازم ابقا جنبك وقت ما تحتاج أي
حاجه المهم انك تستفاد وتتعلم.

الخاتمة

الأسئلة التي تدور ف هناك تسألت كثيرة تدور في أذهان أولادنا منذ بداية استيعابهم للحياة تبدأ أسئلة كثيرة تدور في فكرهم حتي بعد ما يكون ذلك الشخص شاب راشد لن تنتهي بحوري عقله الذي أصبح ناضج يسر تطيع استيعاب كل أمور الحياة التي كانت تجعله منذ صغره شخص يتسأل ويبحث في كل شيء ولا تنتهي تلك التساؤلات إلا بعد ممات ذلك

الشخص فلا بد علي كل أب
وأم أن تهتم بطفلها وكل شئ
يفكر فيه منذ صغره
ومساعدته في اكتساب
معلومات جديدة ومختلفة
ومتنوعة ومساعدته في فهم
ذاته وكل شئ يريد أن
يعرفه في تلك الحياة .